



اَوْنُوْ سَيِّتِيْ تِيْكَوْ لُوْ كِيْ مَارَا
UNIVERSITI
TEKNOLOGI
MARA

BULETIN UNIT RESIDENSI & HOSPITALITI PELAJAR

**EDISI 3
OKTOBER 2025**

U

R

H

P

JENDELA DEMOKRASI 2.0: MEMPERKASA HAK DAN KEDAULATAN PERKARA 153

MUHAMMAD FAIZ MOHD NASRUL, MUHAMMAD SYAH IKMAL SUJIDIN & SAIFUL
HASBULLAH ABDUL MAJID

JENDELA DEMOKRASI 2.0
MEMPERKASA HAK & KEDAULATAN PERKARA 153

UCAPAN PERASMIAN
YBHG. PROFESOR DR. YAMIN YASIN
REKTOR
UiTM CAWANGAN NEGERI SEMBILAN

AHAD | 18 MEI 2025
8:00 PM - 11:00 PM

DEWAN KULIAH TOK PUAN SUNGEI UJONG (TPSU) 2
PUSAT KEGIATAN PELAJAR, UiTM CAWANGAN NEGERI SEMBILAN KAMPUS SEREMBAN

TETAMU KHAS
YB SENATOR DATUK SERI
PROF. EMERITUS DR. AWANG BIN SARIYAN
PENYANDANG KURSI INSTITUSI RAJA-RAJA MELAYU
UNIVERSITI TEKNOLOGI MARA

ANJURAN JAWATANKUASA PERWAKILAN KOLEJ UiTM CAWANGAN NEGERI SEMBILAN KAMPUS SEREMBAN SESI 2024/2025

"Kepimpinan Berintegriti, Pemangkin Kesejahteraan"

UiTM di handu | لويها تقوي موليا

Instagram, Facebook, Twitter, YouTube icons | jpkuitmsereban

Jawatankuasa Perwakilan Kolej (JPK) UiTM Cawangan Negeri Sembilan Kampus Seremban dengan jayanya telah melaksanakan program bagi kategori Wacana Intelেক iaitu "Jendela Demokrasi 2.0: Memperkasa Hak dan Kedaulatan Perkara 153" pada 18 Mei 2025 (Ahad) di Dewan Kuliah Tok Puan Sungei Ujong (TPSU) 2, Pusat Kegiatan Pelajar, UiTM Cawangan Negeri Sembilan, Kampus Seremban. Program ini berlangsung dari jam 8.00 malam hingga 11.00 malam dengan kehadiran tetamu khas, YB Senator Datuk Seri Prof. Emeritus Dr. Awang bin Sariyan, Penyandang Kursi Institusi Raja-Raja Melayu Universiti Teknologi MARA.



Program ini bertujuan untuk memberi peluang kepada mahasiswa memahami tentang Perlembagaan Persekutuan dalam Perkara 153 yang membawa maksud kepada Yang di-Pertuan Agong wajib untuk melindungi kedudukan istimewa orang Melayu dan anak negeri Sabah dan Sarawak serta melindungi kepentingan sah kaum lain dalam persekutuan.


Program ini telah disertai oleh 250 peserta yang berjaya mendaftar melalui kod QR yang disediakan. Lebih beruntung lagi bagi UiTM Cawangan Negeri Sembilan Kampus Seremban, ini adalah lawatan pertama YB Senator Dato' Seri ke UiTM cawangan atas kapasiti sebagai Penyandang Kursi Insitusi Raja-Raja Melayu Universiti Teknologi MARA.

Program ini turut dihadiri oleh barisan VIP yang terdiri daripada Rektor UiTM Cawangan Negeri Sembilan Prof. Dr. Yamin bin Yasin, Timbalan Rektor (Hal Ehwal Pelajar) Encik Mohd Zulhilmi bin Mohd Yunus, Timbalan Rektor (Penyelidikan, Jaringan Industri, Masyarakat & Alumni) Ts. Dr. Aslizah binti Mohd Aris, Timbalan Dekan Hal Ehwal Pelajar Fakulti Sains Pentadbiran dan Pengajian Polisi (FSPPP) Dr. Mazlan Bin Che Soh mewakili Dekan FSPPP serta wakil-wakil UiTM Cawangan Negeri Sembilan Kampus Rembau dan Kuala Pilah. Kehadiran mereka mencerminkan sokongan padu terhadap objektif program ini dalam membentuk pemahaman terhadap Perlembagaan Persekutuan yang sangat dekat dalam hati kita sebagai rakyat Malaysia.



Suasana di Dewan Kuliah Tok Puan Sungei Ujong 2 (TPSU 2) semasa program berlangsung amat meriah dengan kehadiran para peserta yang memenuhi ruang dewan. Mahasiswa dan tetamu yang hadir dilihat begitu fokus dan memberikan sepenuh perhatian sepanjang sesi perkongsian dan diskusi. Program ini berjaya mewujudkan suasana yang interaktif dan penuh inspirasi, di mana peserta terlibat aktif dalam perbincangan dan sesi soal jawab bersama tetamu khas. Mahasiswa turut dilihat memberikan respon yang positif melalui tepukan gemuruh, serta terdapat sesi doa bersama yang mencerminkan kesatuan dalam kalangan hadirin. Keadaan ini menggambarkan semangat kebersamaan dan keinginan mendalam untuk memperoleh ilmu dan pandangan baharu daripada pemimpin yang hadir.





Pengarah Program, Muhammad Syah Ikmal bin Sujidin, mengucapkan setinggi-tinggi penghargaan kepada semua pihak yang terlibat dalam menjayakan program ini, termasuk para peserta, jawatankuasa pelaksana, serta sokongan padu daripada pengurusan tertinggi UiTM. Beliau berharap program seperti ini terus dilaksanakan pada masa hadapan bagi manfaat mahasiswa serta tambahan ilmu pengetahuan pada hemat beliau ia sangat penting untuk difahami sebagai mahasiswa dan rakyat Malaysia.

